



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1624. usque ad annum 1627

**Fleury, Claude**

**August. Vind. [u.a.], 1778**

**VD18 90118863**

§. 64. Victoria Brasiliana Hispanorum contra Batavos Calvinistas.

---

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

lia, labores, & fidei studium impense Sæc. XVII.  
 commendabat, eique hanc gloriam Ro- A. C. 1625.  
 mana Purpura dignam gratulabatur.                       
 Pariter idem Pontifex eodem die lite-  
 ras gaudio & amplissima laude uberri-  
 mas ad Isabellam Principem Regiam,  
 & ad Marchionem Spinolam dedit.

## §. LXIV.

*Victoria Brasiliiana Hispanorum con-  
tra Batavos Calvinistas.*

Anni prioris die nona Maij Jacobus Theatr. En-  
 Willekesius Batavæ classis Archi- rop. p. 840.  
 talassus, postquam portum omnium San- Brachel.  
 storum in America interceperat, ex Hist. 1. 2.  
 censione facta oppidum Sancti Salva- Newill. Hist.  
 toris armata vi occupavit, relictis ubi- d' Holl, t. 2.  
 que Calvinianæ crudelitatis vestigiis;  
 quippe urbis Governatorem, & Jesui-  
 tarum Brasilianorum Provincialem ca-  
 ptos in Hollandiam abstrahi, necnon  
 undecima Martii die hujus anni auream  
 Beatæ Virginis, atque argenteas duo-  
 decim Apostolorum statuas cunctasque  
 sacras imagines ex Ecclesiis & Mona-  
 steriis sacrilega manu inter blasphemias,  
 & ludibria auferri, & unacum opima  
 mercium præda ad Batavos transmitti  
 jussit, profanatisque Catholicorum Ec-  
 clesiis Calviniano ritu ibidem solem-  
 nem Deo gratulationem indixit. Tan-  
 dem



Sæc. XVII. dem vero prospero successu tumidus  
 A. C. 1625 naves suas pinqui præda onustas Am-  
 stelodamum reduxit, a Batavis ingenti  
 honorum significatione exceptus. Hu-  
 jus Regionis jactura, necnon contempta  
 Religionis injuria Philippi IV. Hispani  
 Regis animum tam intimo laniebat do-  
 loris sensu, ut læsum Beatæ Virginiæ  
 Sanctorumque honorem vindicaturus  
 Fridericum Toletanum Oceani Archi-  
 talassum, necnon Joannem Faxardum  
 & Emanuelem Menesium cum triginta  
 navibus & duodecim armatorum mille-  
 bus ex Hispania in Oceanum Atlanticum  
 cum excurrere juberet: Fridericus igitur  
 Faxardo ad maritimam expeditionem  
 relicto, die prima Aprilis in Brasiliam  
 appulsus, copias suas excedere jussit,  
 admotisque belli tormentis portum  
 omnium Sanctorum oppugnare aggressus  
 est, quo occupato urbem S. Salvatoris  
 cinxit, suaque tentoria cum duobus  
 peditum millibus prope Carmelitarum  
 cænobium fixit, aliud vero agmen  
 Petro Roderiquez, ac tertium denique  
 Petro Osorio & Francisco de Almeida  
 commisit. Altera die obsessi primam  
 fecere eruptionem, successu Hispanis  
 infausto; quippe eorum plusquam  
 centum trucidatis, præter quatuor  
 Tribunos ipse etiam Osorius plumbea  
 glante trajectus occubuit. Horum  
 igitur

*Lotich. rer.*  
*Germ. l. 15.*  
*s. 2. §. 5.*



igitur cladem ulturus Toletanus, ut <sup>Sæc. XVII.</sup> obsessos omni ex parte inclusos teneret, A. C. 1625.  
 mille quingentis peditibus circum di-  
 spositis cum triginta septem belli tor-  
 mentis sex Batavas naves demersit,  
 ceterasque ferme omnes ad usum in-  
 eptas reddidit: inde vero obsessi amissa  
 subsidii spe vecordes, necnon per exe-  
 crandam, ac sectariis solitam turpitu-  
 dinis incontinentiam effæminati, molles-  
 que effecti in suos Tribunos insurrexe-  
 runt, imperiumque omne tumultibus  
 internecinis evertentes, gladium non-  
 nisi contra suos Ductores stringere pa-  
 rati erant. Tum vero ultor Dei gla-  
 dius & oculus impleta tandem sacri-  
 legi furoris ac libidinis mensura in  
 hosce Amorrhæos clarius illuxit; hi e-  
 nim convulsis quibusvis humanis divi-  
 nisque repagulis, animo suo, suæque  
 quisque cupiditati morem gerentes, li-  
 center grassari cæperunt, novumque  
 suum Governatorem obsidere, eum-  
 que vulneribus afficere præsumpsere,  
 nec hac contenti petulantia insu-  
 per exauctorato hoc Præfetto mox  
 alium sibi ad arbitrium subroga-  
 runt, eumque ad urbis deditionem  
 compellere ausi sunt. Die igitur pri-  
 ma Maij ostenso e muris pacis vexillo  
 deditionem obtulerunt, datisque vi-  
 cissim obsidibus urbem dedere: Postu-  
 labant



Sæc. XVII. labant quidem, naves & comteatum  
A. C. 1625. sibi in Hollandiam usque concedi: ve-  
 rum hac indulgentia indigni sine ar-  
 mis, & sine militari honore potius ge-  
 niali turpissimarum voluptatum indul-  
 gentia, quam hostium ferro devicti in  
 patriam cum infamia remissi sunt, ubi  
 in vincula coniecti, ac militari cingulo  
 exuti fuere. Hollandi quidem aliam  
 classem subsidio miserant, hæc tam-  
 urgente Numinis vindicta, tempesta-  
 tum vi disjecta cursum tenere non vo-  
 luit, sed potissimam partem Hispanis  
 in prædam cessit.

*Puffendorf.*  
*Introd. a*  
*§ Hist. t. 4.*  
*pag. 70.*

Nec benigniorem contra Hispanos  
 sortem hoc anno habuit classis Angliæ  
 Regis, qui fædere cum Batavis intro-  
 cum centum quinquaginta navibus, ac  
 decem peditum millibus, validoque e-  
 quitum agmine Lusitaniam invadere  
 festinabat. Verum cum formidanda  
 hæc classis Pleymutho serius solvisset,  
 ejusque milites Gadibus excensionem  
 tentassent, a Ferdinando Gironio, ejus-  
 que Hispano milite repulsi sunt, rejecti-  
 que ad naves. Ubi ingruente jamjam  
 hyemis asperitate, dum patriam in-  
 glorii repetunt, fœdis tempestatibus  
 misere jactati, multi frigore ac lue-  
 enecti, pauci admodum in Angliam  
 reversi sunt.

§. LXV.